

摘藻堂四庫全書薈要

史部

欽定四庫全書薈要

史部
金史卷四十二至四



詳校官祭酒臣韋謙恒

欽定四庫全書薈要卷六千二百八十四

金史卷四十二

元中書右丞相總裁托克托等修

志二十三

儀衛下

大駕鹵簿
皇太子鹵簿

諸妃嬪導從

皇太后皇后鹵簿
親王僚從

百官儀從

大駕鹵簿世宗大定三年祫享用黃麾仗三千人分四節第一節無縣令府牧即用黃麾前三部次前部鼓

吹次金吾牙門旗次駕頭次引駕龍墀隊次天王十二
辰等旗 第二節黃麾第四第五部次君王萬歲日月
旗次御馬內增控馬司圍挾馬司圍各一十六人次日
月合璧五星連珠等旗次八寶內增執黑杖傳喝一十
八人在香案前次七寶輦 第三節黃麾後第一第二

部次玉輅次栲栳隊次導駕門仗官 第四節黃麾後

第三第四第五部次金輅次牙門旗次後部鼓吹大定
六年九月西京還都用黃麾仗二千五百四十二人

攝
官

在內騎七百六十二匹分四節 第一節攝官五十四人

執擎三百二人樂工一百七十人 第二節攝官三十

二人執擎三百七十六人 第三節仗內攝官四十四

人導駕官四十二人門仗官一百人玉輅青馬八駕士

一百四十人護駕栲撻隊五百人執擎二百四十二人

第四節攝官五十人金輅赤馬八駕士九十四人控

鶴二十二人樂工八十四人執擎二百九十人是歲上

還自西京有司備儀仗皇太子乘金輅上疑其非禮以

問禮官無能知者上怒皆責降之明年將冊皇太子宰
臣奏當備儀仗告廟上曰前朕受尊號謁謝但令朕用
宋真宗故事朝服乘馬於禮甚輕今皇太子乃用備禮
何耶丞相良弼謝上徐曰此文臣因循不加意爾先是
凡行幸皆役民執仗是後詔以軍士易之大定十一年
將有事於南郊朝享太廟右丞石琚奏其禮上曰前朝
漢人祭天惟務整肅儀仗此自奉耳非敬天也朕謂祭
天在誠不在儀仗之盛也其減半用之於是遂增損黃

麾仗為大駕鹵簿凡用七千人

攝官在內

分八節 第一節

第一引七十人縣令第二引二百六十四人府牧第三

引二百二十九人御史大夫名色與府牧同頗損其數

而增行止旗一 第二節金吾阜纛旗一十二人朱雀

隊三十四人指南記里鼓車皆五十二人鸞旗車一十

八人前部鼓吹一百二十九人清游隊七十二人內白

澤旗二旗五人

綠具裝冠綠皮甲勒皮錦臂鞬橫刀引夾加弓矢綠皮馬甲包尾全

折衝

都尉二人

黑平中幘紫纁辟邪袍革帶銀褱大口袴錦騰蛇橫刀弓矢

弩六弓矢二

十四稍三十

立錦帽青繡寶相花衫革帶銀褐大口袴

飲飛隊四十八人內

果毅都尉二

黑平中幘紫繡飛麟袍革帶銀褐大口袴錦騰蛇佩橫刀弓矢

虞侯飲飛

三十人

鐵甲兜牟橫刀弓矢黑馬甲全

鐵甲仗飛一十六人

服執如上

前部

馬隊第一隊六十四人第二第三隊皆六十人第四第

五隊皆五十八人又仗五十四人內帥兵官二人

黑平

中幘緋寶相花衫革帶銀褐大口袴執儀刀

又二十六又二十六

五色寶相花衫抹額

抹帶行膝鞋襪

行止旗一

緋繡寶相花衫抹額銀褐抹帶大口袴

第三節前部

鼓吹第二三百六十九人前步甲隊第一至第五隊皆

四十二人衙門旗二十人黃麾前第一部一百五十人

第二部一百二十人又仗五十八人行止旗一第

四節黃麾幡三人六軍儀仗二百二十六人御馬三十

三人黃麾前第三至第五部皆一百二十人青龍白虎

隊五十二人又仗五十六人行止旗一第五節八

寶二百三十二人平頭輦三十人七寶輦四十二人班

劍儀刀隊二百人內將軍二人折衝都尉二人

平巾幘
緋辟邪

袍革帶銀褐大口
袴錦騰蛇執儀刀班劍儀刀各九十八

並平巾幘緋
寶相花衫革帶

銀褐大口袴錦
騰蛇執儀刀
驍衛翊衛隊六十人內供奉郎將二員

黑平巾幘緋繡瑞馬袍革
帶銀褐大口袴執儀刀
鳳旗二旗五人
服執如前
弩弓矢

稍皆一十六
服如班
夾轂隊第一隊九十二人內折衝

都尉二人
平巾幘緋繡飛麟袍革帶銀褐大口袴執儀刀
寶符旗二旗五人朱

鍪甲刀盾八十
朱甲錦臂鞬行滕鞋襪
第二隊八十二人內果毅

都尉二人
白澤袍
飛黃旗二旗五人銀褐鍪甲刀盾七十

第三隊八十二人內果毅都尉二人
赤豹袍
吉利旗二旗

五人皐鍪甲刀盾七十又仗五十六人行止旗一

第六節馬步門旗隊一百人駕頭一十五人廣武官茶

酒班執從物者二十三人御龍直四十人

紅錦團襖
鍍金束帶

內

人員二

皂帽三十八人
真珠頭巾

玉輅一百五十一人拷拷隊五百

人內金槍隊一百二十六人分左右人員十八

竝鐵甲
皂帽紅

錦背子執小旗

長行一百八人

鐵甲兜年紅錦背子
臂鞵甲馬紅錦包尾執

馬甲紅錦包尾

金槍隊一百二十六人人員十八長行一百八人

竝服

如上手

弓箭直步隊一百二十四人人員四

鐵甲皂帽
錦團花戰袍

紅

弓矢執銀骨

長行一百二十人

鐵笠紅錦團花戰
袍鐵甲弓矢骨朵

骨朵

直步隊一百二十四人久員四長行一百二十人

服甲同上

無弓矢金吾牙門旗二十人黃麾後第一部一百五十人

第二部一百二十人奚義五十二人行止旗一 第七

節扇篲二十五人金輅九十四人大安輦一百八十一

人內尚輦奉御二人殿中少監二人奉職官二人

並公服

令史四人書令史四人

七人烏介幘緋四襖素衫銀襖抹帶大口袴皂靴一人長脚幘

頭紫羅公服角帶皂靴

掌輦四人

武年黃繡寶相花衫銀襖抹帶大口袴

人員十二

皂帽紅錦團襖銅束帶內指揮使一人執銀骨朵

昇士一百五十一人

服同掌輦

御

馬三十三人持鉞隊三十九人後部鼓吹一百六十人
黃麾後第三至第五部皆一百二十人後步甲隊第一
至第二隊皆四十二人又又仗五十六人行止旗一

第八節後部鼓吹第二一百四十人象輅革車木輅皆
五十人進賢車二十六人豹尾車一十八人屬車八十
人玄武隊六十一人後步甲隊第三至第五隊皆四十
二人金吾牙門旗二十人後步馬隊第一隊七十六人
第二隊六十四人第三隊六十人又又仗六十人行止

旗一

後分行旗
止旗為二

以上名數與黃麾同者不重述

章宗明昌五年六月尚書省奏大定六年世宗自西京
還都採宋省方還京之儀用黃麾仗二千人及金玉輅
栲栳隊甲騎五百人導駕官四十二員自後遂不復用
今車駕幸景明宮還都之日宜依用之制可承安元年
省臣奏南郊大禮大駕鹵簿當用人二萬一千二百一
十八馬八千一百九十八世宗親行郊祀仗用七千人
今擬大定制外量添甲卒三百栲栳隊執搨人二百四

十八通七千五百四十八人仍分八節從之泰和六年
上欲親行祫享命有司計其役費尚書省奏當用仗三
千五百人錢一萬餘貫馬八百六十五匹舊例馬皆借
取於民親軍班祗皆自備從事今軍旅方興官馬以備
緩急不可借用民亦不可重擾宜令有司攝事上詔再
議之八年四月禘于太廟依元年例用黃麾仗三千人
屯門仗五百人

皇太后皇后鹵簿用唐宋制共二千八百四十人清游

隊三十人清游旗一執一人引二人夾二人

並平巾幘
緋襖襜褕大

口袴佩弓矢橫
刀執稍弩騎

次金吾衛折衝都尉一人

平巾幘紫襖
襜褕大口袴錦

騰蛇弓爆稍二人

平巾幘緋衫大
口袴夾折衝

領四十騎橫刀二十

人執稍四人弩十六人

並平巾幘緋襖襜褕
大口袴橫刀弓矢

次虞侯攸飛

二十八人

並平巾幘緋襖襜褕
大口袴弓矢橫
刀騎夾道分左右均布至黃麾仗

次內僕令

一人丞一人

依本品服
分左右

各書令史二人

平巾幘緋衫
大口袴騎從

次

黃麾一執一人夾二人

武弁朱衣革
帶正道騎

次左右廂黃麾仗

廂各三行行百人從內第一行短戟五色麾

執者並黃
地白花綦

襖帽行
膝鞋襪

次外第二行戈五色氅

執人並赤地黃花
蒸襖帽行膝鞋襪

次外

第三行儀鎧五色幡

並青地赤花蒸
襖帽行膝鞋襪

次左右領軍衛左

右威衛左右武衛左右驍衛左右衛等衛各三行行二

十人

分前後

衛各主帥六人唯左右領軍衛各三人

並平巾幘

緋襖襦大口袴領軍衛前後獅子文袍帽餘
衛約文袍帽各執鍬石裝長刀騎領分前後

每衛各果

毅都尉一人檢校

破繡袍以上
各一名步從

左右領軍衛有絳引幡

引前掩後各三

執者六人並平巾
幘緋衫大口袴

次內謁者監四人給

事二人內常侍二人內侍少監二人

並騎分左右以上
各有內給使一人

步從次內給使百二十人

皆宮人並平巾幘緋衫大口袴分左右在車後

次偏扇

團扇方扇各二十四

分左右以宮人執之皆服間絲大袖裙襦絲衣革帶履

次香

蹬一執擎內給使四人

平巾幘緋衫大口袴在重翟車前

次重翟車馬

四駕士二十四人

平巾幘青衫大口袴鞋襪

次行障二坐障二

分左右夾

車宮人執之服同執扇

次內寺伯二人領寺人六

分左右平巾幘緋衫襪大口袴

執御刀並騎夾重翟車

次腰輿一輦士八人團雉扇二

夾輿次大傘

四次大雉扇八

分左右橫行為二重

次錦華蓋二

單行一道

次小雉

扇朱團扇各十二

並橫行為左右

次錦曲蓋二十四

橫行為二重

次

錦六柱八扇

分左右自腰與以下並內給使執之服同前

次宮人車次絳麾

二

分左右執各一人式并朱衣革帶鞋襪

次後黃麾一執一人夾一人

並騎

武弁朱衣革帶正道

次供奉宮人

在黃麾後

次厭翟車馬四駕士二十

四人次翟車安車皆四馬駕士各二十四人次四望車

金根車皆駕牛三駕士各十二人

服同前

次左右廂牙門

各二每門執二人夾四人

並赤綦襖黃袍帽第一門在前黃麾前第二門在後黃麾

後

次左右領軍衛每廂各一百五十人執笏

並赤地黃花綦襖帽

行滕鞋襪前與黃麾仗齊後盡兩簿

廂各主帥四人檢校

平巾幘緋衫大口袴被黃袍帽

執鎗石長刀騎其服豹文者二在內服獅文者二一引前一護後

次左右領軍衛折衝

都尉各一人檢校笑仗

以上各一人騎從

次後笑仗內正道置

牙門一每門監門校尉二人

皆平巾幘緋袍襦大口袴執銀裝長刀騎

每廂

各巡檢校尉一人往來檢校

服仗同前

前後部鼓吹金鉦擗

鼓大鼓長鳴中鳴鐃吹羽葆鼓吹橫吹節鼓御馬竝減

大駕之半是歲重翟等六車改用圓方輅輦及行障坐

障錦六柱宮人等車其制度人數竝見輿服志天德二

年海陵立后皇后乘龍飾肩輿有司設二步障於殿之

西階設扇左右各十繖一此蓋殿庭導引之儀也又設
皇太后導從六十人傘子不在數內竝服簇四盤鵬團
花紅錦襖金花幘頭塗金銀束帶永壽永寧宮導駕各
三十人傘子各二人此亦常行之儀也

皇太子鹵簿受冊寶謝廟凡大禮大朝會則用之有司
奏當用唐宋儀禮詔止用千人中道清游隊二十四人
折衝都尉一人白澤旗一五人弩四弓六稍八竝騎清道

直盪隊一十八人折衝都尉二人稍四弓矢十二竝騎誕

馬四八人正直旗隊三十三人果毅都尉一人重輪旗

一馴犀旗二野馬旗一馴象旗二旗各五人竝騎細引隊

一十四人果毅都尉二人弓矢六稍六稍與弓矢相間竝騎前部

鼓吹九十八人竝騎府史二人金鉦捫鼓各二大鼓十二

長鳴八鐃鼓二簫六笳六帥兵官二節鼓二小鼓十二

中鳴八挑皮箏箎四歌四拱辰管六箏箎六大橫吹十

二羽葆鼓二帥兵官二繖扇八梅紅傘二大雉扇四中

雉扇二小輿一十八人導引官一十二人中允二人諭

德二人庶子二人詹事二人太師一人太傅一人太保

一人少師一人在金輅後

並騎

親勲翊衛圍子隊七十四

人郎將二人儀刀七十二

並騎

金輅七十人三衛隊一十

八人

執儀刀

厭角隊六十二人郎將一人祥雲旗一五人

弩三弓矢七稍十五

並騎

又郎將一人祥雲旗一五人弩

三弓矢七稍十五

並騎

朱團扇一十六人司禦率府校尉

四人

騎

朱團扇三紫曲蓋三大角一十八後部鼓吹五

十四人

並騎

管轄指揮一人金鈺捫鼓各一鐃鼓二簫六

歌六箏六節鼓一主帥二人笛六笳四拱辰管六小橫吹十主帥二人後拒隊四十六人果毅都尉一人

騎

三角獸旗一五人弩四弓矢十六稍二十外仗左行二百四人牙門十六人

竝騎

牙門旗一三人監門校尉三人

郎將一人班劍九前第一隊二十七人司禦率府一人

果毅都尉一人折衝都尉一人主帥二人

竝騎

絳引幡三

首九人麟頭竿二儀鎧斧二弓矢二麟頭竿二儀鎧斧

二朱刀盾二小戟二第二第三第四第五隊各一十四

人與第一部麟頭竿已下同

後第一隊四十七人牙門旗一三人監

門校尉三人果毅都尉一人主帥一人絳引幡三九人

鷩鷩旗一五人稍四弩三稍四弓矢三稍四弓矢三朱

刀盾二小戟二

並騎

後第二隊二十九人果毅都尉一人

網子旗一五人稍五弩三稍五弓矢三稍三弓矢四

並騎

後第三隊二十九人果毅都尉一人黃鹿旗十五人稍

五弩三稍五弓矢三稍三弓矢四

並騎

右行二百四人排

列同 太子常行儀衛導從六十二人傘子二人庭服

梅紅繡羅雙盤鳳襖金花幙頭塗金銀束帶凡從盤
鐸唾盂水罐等事竝用銀金飾傘用梅紅羅坐麒麟金
浮圖椅用金鍍銀圈雙戲麒麟椅背紅絨絛結殿庭與
宴殿用繡羅間金盤鳳卓衣則用繡羅獨角間金盤獸
東宮視事朱髥飾椅塗金銀獸啣紅絨絛結明金團花
椅背案衣則用素羅色皆梅紅蒙帕踏脚同

親王僚從引接十人皂衫盤裏束帶乘馬擡官五十
人首領紫羅襖素幙頭執銀裹牙杖傘子紫羅團荅繡

芙蓉襖間金花交脚幙頭餘人紫羅四袂繡芙蓉襖兩
邊黃絹義襪竝用金鍍銀束帶幙頭同邀喝四人傘用
青表紫裏金鍍銀浮圖椅用銀裏圈背水罐鋸鑼唾盂
竝用銀郡王捧攏官三十人未出宮者二十人國公捧
攏官二十人未出宮者十四人郡王引接六人國公四
人未出宮者各減半人從儀物竝依一品職事官制
諸妃嬪導從四十人幙頭繡盤蕉紫衫塗金束帶妃用
偏扇方扇團扇各十六諸嬪各十四皆宮人執服雲脚

紗帽紫四襖衫束帶綠韉大傘各一傘子二人就用本服錦襖幘帶大長公主導從一十二人皇妹皇女一十人竝服紫羅繡胸背葵花夾襖盤襖幘頭大佩銀腰帶牙杖各二其諸宗室女各以親疎差降之傘制皇太子三位妃皆青羅表紫裏金浮圖親王公主王妃金鍍銀浮圖郡主縣主夫人銀浮圖皆青表紫裏諸臣下母妻各從其夫子勲封品級用傘

百官儀從王一品三師三公尚書令朱衣直省各十人

三公稱
正府

捧攏官各六十人竝服紫衫帽銀偏帶內執藤

棒三對骨朶三對牙杖三對簇馬六人傘子二人交椅

水罐鋤鑼孟子唾盃等事以次執之服阜衫帽塗金銅

束帶

後凡執色人竝同

邀喝四人傘用青羅紫裏銀浮圖從一

品尚書左右丞相平章政事都元帥樞密使直省同

樞密

稱直院以班祇人充

捧攏官五十人邀喝四人判太宗正引接十

人捧攏官四十人大興尹面前兩對餘竝同以上交椅

竝用銀裹圈背紫絲條結 正二品東宮三師左右副

元帥尚書左右丞直省八人擗攏官四十人邀喝二人
傘用朱浮圖從二品叅知政事樞密副使御史大夫直

省同

御史臺稱通引以
保使班祇人充

擗攏官三十六人邀唱數同

正三品東宮三少元帥左右監軍殿前都點檢六部尚
書諸京留守宣徽勸農使翰林學士承旨等官凡同品
者各引接六人擗攏官二十人以上交椅竝用直背銀
間粧青絲條結諸京都轉運使招討使諸路提刑使諸
府尹兼本路兵馬都總管及留守擗攏官五十人外任

統軍使都運招討使副使諸府尹兼總管擗攏官四十

五人公使七十人從三品元帥左右都監勸農副使殿

前副都點檢及御史中丞等官凡同品者各引接六人

擗攏官一十八人內中丞引從則給緋衫外任運使節

度使擗攏官四十人諸節鎮諸部族節度同公使上鎮

七十人中鎮六十五人下鎮六十人以上外任官人從

服色除諸招討總管部族節度羣牧使自來無射糧軍

人力者竝仍舊外留守統軍總管都運招討府尹轉運

節度使人力亦仍舊其數雖多俱不得過四十人並服
紫衫銀帶銀裏團背交椅銀水罐鋤鑼盂盃牙杖內銀
裹骨朶大劔各兩對及邀喝唯運使無骨朶大劔 正
四品左右諫議大夫國子祭酒六部侍郎等官凡同品
者各引接八人本布十二人外任留守同統軍都監提
刑副使各捧攏官三十人從四品殿前左右衛將軍諸
猛安千戶親王府尉諸京同知轉運等官凡同品者各
引接四人本布十二人外任捧攏官三十五人公使上

防禦六十人中防禦五十五人下防禦五十人 正五

品尚書左右司郎中翰林待制太常少卿等官凡同品者各本布八人外任擢攬官三十人公使上州五十人
中州四十五人下州四十人凡防禦刺史知軍并京府
統軍司節鎮佐貳官人從竝服紫衫角束帶直背銀交
椅鐏鑼孟子唾盃牙杖傘用青表碧裏青浮圖防禦刺
史知軍仍用銀裹骨朶大劍一對邀喝唯隨路副統軍
則不邀喝從五品六部郎中侍御史大理少卿等官凡

同品者本布七人侍御引從則給緋衫外任本布十人
以上職事官竝許張蓋 正六品尚書左右司員外等
官凡同品者本布六人外任本布九人從六品尚書六
部員外等官凡同品者本布五人外任本布九人 正
七品殿中侍御史等官凡同品者本布四人外任本布
七人縣令公使十人都軍公使六人從七品應奉翰林
文字等官凡同品者本布四人外任本布六人縣令公
使十人 正八品大理評事等官凡同品者本布二人

外任本布六人從八品太常太祝等官凡同品者本布
二人外任本布五人 正九品御藥都監等官凡同品
者本布一人外任本布三人從九品隨殿位承應同監
等官凡同品者本布一人外任本布一人 尚書省樞
密院令譯史通事六部御史臺及統軍司通事誥院令
史國史院書寫等職各設本布一人以上職官人力從
物不得僭越其外任官人從服執以本處公用或贓罰

錢置

凡內外官自親王以下僉從各有名數差等而朱衣直

省不與其賤者一曰引接

亦曰引從

內官從四品以上設之

二曰捧攏官內外正五品以上設之三曰本布內外正

四品以下設之四曰公使外官正三品以下設之五曰

從己人力外官正三品京都留守大興府尹以下等官

設之本布如捧攏之職公使從公家之事從己執私家

之後者也五等皆以射糧軍充其軍非驗物力以事攻

討特招募民年十七以上三十以下魁偉壯健者收刺

以資糧給之故曰射糧其首領則有將節承局什將等
名而皆統於隨路都兵馬總管府馬金之所以禮臣下
足任使者其亦先代之遺法歟 外任官從己人力諸
京留守大興府尹五十人統軍都轉運招討按察使諸
路兵馬都總管四十五人轉運節度使四十人提控諸
羣牧防禦使三十五人外任親王傳同知留守副統軍
按察副使諸州刺史知軍事三十人同知都轉運使事
副招討副留守同知府尹兼總管提舉漕運司諸五品

鹽使二十五人都轉運副使按察司簽事少尹副總管
同知轉運節度使事二十人京都兵馬都指揮使一十
八人轉運節度副使十七人兵馬都鈐轄十五人親王
府尉諸京留守總判官同知防禦使事十三人警巡使
兵馬副都指揮同提舉漕運司正六品鹽副使從六品
酒麴鹽稅使同知州軍事一十人統軍都轉運司京府
總管散府等判官京推官九人親王府司馬招討判官
赤劇縣令提舉上京皇城兵馬鈐轄正七品酒麴鹽稅

副使都轉運判官府推官節度觀察判官八人京縣次
劇縣令都巡檢使正將府軍都指揮使七人司屬令親
王府文學招討司勘事官諸縣令警巡副使知城堡寨
鎮從七品鹽判同提舉上京皇城節鎮軍都指揮使都
巡河同七品酒使防禦判官六人市令錄事亦劇縣丞
副都巡檢使副將都巡檢州軍判官五人統軍司知事
親王府記室叅軍同屬丞正八品酒使副京縣次劇縣
丞諸司使四人大興府招討按察司知事京府運司節

鎮司獄管勾河橋關渡譏察官從八品鹽判官漕運司
勾當官警巡判官諸縣丞市丞司侯主簿錄事司判官
縣尉副都巡檢諸巡檢巡河官正九品酒使諸司副使
三人鹽場管勾防刺以下司獄部隊將同管勾河橋副
譏察司候判官教授統軍按察司知法軍轄諸司都監
節鎮以上知法二人鹽場同管勾防刺以下知法諸司
同監統軍按察司書史統軍司譯書通事一人博索
公使從己人力於附近東京澄州招募漢人百姓投充

謂非明安穆
昆所管者

海蘭率賓呼爾哈扶餘路竝於各管明安

穆昆所管上中戶內輪差驅丁依射糧軍例支給錢糧
周年一易博勒和特哩袞扎薩克亦同其諸札及羣牧
官員若明安穆昆應差本管戶民充人力者竝上中戶
輪當 諸內外官有兼職各應得人從者從多給餘各
驗品類差 諸親王引接引從在都兵馬司差公王隨
朝者從守部本布內差外路者并所在州府就差 諸
王府引從相府擗攏官引接周年替代自餘十月滿代

竝以射糧軍充 諸隨朝六品以下職官并諸局承應

者願令從己輸庸者聽仍具姓名申部本處官司周年
內不得占使 諸職官之任以理去官者接送人力於
從己人內給半取接者皆於所在官司出給印券差取
送還者須到本所給券發還如無驗者權閣支請候會
問別無逃亡將帶然後放支 諸致仕官職俱至三品
者從己人力於願往處給半不得輸庸身故應送還者
又減半給之若年未六十而致仕及罷去者則不給

金史卷四十二

欽定四庫全書薈要卷六千二百八十五

金史卷四十三

元中書右丞相總裁托克托等修

志二十四

輿服上

天子車輅
皇太子車制

皇后妃嬪車輦
王公以下車制及鞍勒飾

古者車輿之制各有名物表識以祀以封以田以葬所以別上下明等威也歷代相承互相損益或因時創始或襲舊致文奇巧日滋浮靡益蕩加以後世便習騎乘

車用蓋寡惟於郊廟祀享法駕導引為一代令儀而不敢廢也其於先王經世立法之意寥乎闕哉金初得遼之儀物既而克宋於是乎有車輅之制熙宗幸燕始用法駕迨至世宗制作乃定班班乎古矣考禮文證國史以見一代之制度云

太定十一年將有事於南郊命太常寺檢宋南郊禮鹵簿當用玉輅金輅象輅革輅木輅耕根車明遠車指南車記里鼓車崇德車皮軒車進賢車黃鉞車白鷺車鸞

旗車豹尾車輶車羊車各一革車五屬車十二除見有
車輅外闕象木革輅耕根明遠皮軒進賢白鷺羊車大
輦各一革車三屬車四按五禮新儀玉輅以青金輅以
緋象輅以銀褐革輅以黃木輅以皂蓋其物有合隨輅
之色者有當用別色者如玉輅用青絲繡雲龍絡帶青
羅繡寶相花帶青畫輪轆青氍牛尾此隨輅之色者也
若象木革輅則當用緋用銀褐用黃及皂若至尊乘御
步武所及非若餘物但為美觀其踏狀倚背踏道之褥

皆用紅錦座褥及行馬褥透壁軟簾三用銀褐黃青羅
錦三色又大輦宋陶穀創意為之至祥符中以其太重
減七百餘斤可見當時亦無定制各以意從長斟酌造
之其制金玉輅闕可見者象輅革輅木輅耕根皮軒進
賢明遠白鷺羊車革車大輦凡十有一象輅黃質金塗
銅裝以象飾諸末輪衣以銀褐建大赤餘同玉輅革
輅黃質輓之以革金塗銅裝輪衣以黃建大白餘同玉
輅木輅黑質漆之輪衣以皂建大麾餘同玉輅耕

根車青質蓋三重制如玉輅而無玉飾 皮軒車赤質

上有漆柱貫五輪相重畫虎紋一轆 進賢車赤質如

草車緋輪衣絡帶門簾竝鳳上設朱漆牀香案紫綾衣

一轆 明遠車制如屋銳頂重簷勾欄頂上有金四角

垂鐸上層四面垂簾下層周以花板三轆 白鷺車赤

質周施花板上有漆柱柱杪刻為鷺鷥銜鵝毛筍紅綾

帶柱貫五輪相重輪衣皂頂緋裙緋絡帶竝繡飛鷺一

轆 羊車赤質兩壁油畫龜紋金鳳翅憶衣結帶竝繡

瑞羊二轆 大輦赤質正方油畫金塗銀葉龍鳳裝其

上四面施行龍雲朵火珠方鑑銀絲囊網珠翠結雲龍

鈿窠霞子四角龍頂銜香囊頂輪施耀葉中有銀蓮花

坐龍紅綾裏碧牙壓帖內設圓鑑香囊銀輪勾欄臺坐

紫絲條網幘鍔中施黃褥上置御座曲几香爐錦結綬

几衣輪衣絡帶竝緋繡雲龍寶相花金綫壓長竿四飾

以金塗銀龍頭畫梯托叉行馬 七寶輦制如大輦飾

以玉裙網七寶滴子用真珠宋欽宗為上皇製海陵自

汴取而用之

皇后之車六一曰重翟車青質金飾金塗銅級花葉段
裝釘耀葉二十四明金立鳳一紫羅銷金生色寶相帷
一青羅青油幃衣各一朱絲絡網紫羅明金生色雲龍
絡帶各二兩廂明金五彩間裝翟羽二金塗礪石長轆
鳳頭三橫轆立鸞八香鑪香寶子一副宜男錦帶結朱
紅漆杌子踏牀各一扶板扶魚一副紅羅明金衣褥紅
羅襯褥一青羅行道褥四青羅明金生色雲鳳夾幔一

紅羅明金綠紅竹簾二金塗銅葉斷行馬二朱紅漆金
塗銀葉裝釘胡梯一青羅胡梯尋儀褥二踏道褥十青
絹裏大麻索二油蒙帕一二曰厭翟車赤質倒仙錦帷
一紫羅紫油幃衣各一朱絲絡網宜男錦絡帶各二餘
同重翟惟行道夾幔尋儀褥羅及裏索等用紅三曰翟
車黃質金飾瑜石葉段裝釘宜男錦帷黃羅油幃衣瑜
石長轆鳳頭三而無橫轆立鸞餘同厭翟而羅色用黃
四曰安車赤質倒仙錦帷紫油幃衣朱絲絡網天下樂

錦絡帶踰石長轆鳳頭三無橫轆立鸞及香鑪香寶子
餘同翟車而色皆用紅五曰四望車朱質宜男錦帷青
油幟衣轆端螭頭二餘竝同安車六曰金根車朱質紫
羅紫油幟衣朱絲倒仙錦絡帶各二踏床褥用紅綾衣
尋儀褥踏道褥竝用綾餘竝用安車造六車成後復
造圓輅重簷方輅五華亭頭平頭六等之制又增製九
龍車一高二丈廣一丈一尺長二丈六尺五鳳車四各
高一丈八尺長廣如之圓輅車一方畧車一重簷車一

各高一丈七尺長一丈八尺廣八尺皆駕馬四駕士各五十人竝平巾幘生色青緋黃三色寶相花衫銀褐抹帶大口袴平頭輦一五華輦一亭頭輦一各高一丈九尺廣丈五寸長三丈昇士各九十六人作兩番代竝生色緋寶相花衫餘如前製管押人員三十五人長脚幘頭紫羅窄衫金銅帶束駕馬繫纓涼屣鈴拂包尾皆從車色金銅面挿翟尾朱轡朱總龍車合用紅羅傘一傘子二人用本服錦帽幘帶又檢定扇障等制偏扇如仙

人羽扇行障六扇各長八尺高六尺用紅羅表朱裏畫雲龍鳳首竿銜輦結毒障用宮人四坐障二扇各長七尺高五尺畫雲龍紅羅表朱裏餘同行障錦六柱八扇各闊二尺高三尺冒以錦內給使八人執宮人車制如屬車駕士八人平巾幘緋衫大口袴鞋襪供奉宮人三十人雲脚紗帽紫衫束帶綠靴明昌元年三月定妃嬪車輦用鍍金鳳頭黃結御妻世婦用間金鳳頭梅花結子

皇太子車制大定六年十二月奏皇太子金輅典故制
度及上用金輅儀式奉_一詳定輶旗旂首及應用龍者
更以麟為飾省去鄣塵等物上用輅名件色數依上
公以九為節減四分之一上用輅軾前有金龍改為伏
塵軾上坐龍改為鳳旂十二旒減為九駕赤騶六減為
四及簾褥用黃羅處改用梅紅餘竝具體成造其制赤
質金飾諸末重較箱畫虞文鳥獸黃屋軾作赤伏鹿龍
輶金鳳一軾前設障塵朱蓋黃裏輪畫朱牙左建九旒

右載闌戟旂首銜金龍頭結綬及鈴綏八鸞在銜二鈴
在軾駕赤騮四金鍔方鈇插翟尾鏤錫輦纓九就皇帝
輅自頂至地高一丈七尺今輶四分之一為一丈三尺
二寸修廣之輶亦如之

王公以下車制一品輅用銀螭頭涼棚杆子月板竝許
以銀裝飾三品以上螭頭不得施銀涼棚杆子月板亦
聽用銀為飾五品以上輅獅頭六品以上輅雲頭庶人
坐車平頭止用一色黑油

親王鞍塗金銀裏仍釵以開花障泥用紫羅飾以錦轡以塗金銀裝束用絲結皇家小功以上太皇太后皇太后大功以上皇后期親以上并一品官及官職俱至三品以上者障泥許用金花若經賜或御毬場內不在禁限舊制親王宰執任外者與大興尹皆服小帽束帶銀鞍絲鞭大定中世宗以京尹亦外官三品而與親王無別遂命不得御銀鞍絲鞭惟同外三品例幘頭帶展皂視事

永安二年制護衛銅裝鞍轡不得借人庶人馬鞍許用
黑漆以骨角鐵為飾不得用玉較具及金銀犀象飾鞍
轡

輿服中

天子衮冕

視朝之服

皇后冠服

皇太子冠服

宗室外戚及一品命婦服用

臣下朝服

祭服 公服

昔者聖人制為玄黃黼黻之服以象天地之德以章貴
賤之儀夏商損益至周大備不可以有加矣自秦滅棄
禮法先生之制靡敝不存漢初猶服衮以從大祀歷

代雖漸服古終亦不純而已金制皇帝服通天絳紗袞冕偏舄即前代之遺制也其臣有貂蟬法服即所謂朝服者章宗時禮官請參酌漢唐更制祭服青衣朱裳去貂蟬豎筆以別於朝服惟公朝則又有紫緋綠三等之服與夫窄紫服展皂等事悉著于篇云

天眷三年有司以車駕將幸燕京合用通天冠絳紗袍據見闕名件依式成造禮服袍裳方心曲領中單蔽膝革帶大帶玉具劔綬佩舄鞬乘輿服大綬六采黑黃赤

白縹綠小綬三色同大綬間施三玉環大綬五百首小綬半之白玉雙佩革帶玉鈎釧

冕制天板長一尺六寸廣八寸前高八寸五分後高九寸五分身圍一尺八寸三分并納言竝用青羅為表紅羅為裏週迴用金綾天板下有四柱四面珍珠網結子花素墜子前後珠旒共二十四旒各長一尺二寸青碧線織造天河帶一長一丈二尺闊二寸兩頭各有真珠金碧旒三節玉滴子節花紅線組帶二上有真珠金翠

旒玉滴子節花下有金鐸子二枚紅線款幔帶一莖續
二真珠垂繫上用金萼子二簪窠款幔組帶鈿窠各二
內組帶鈿窠四竝玉鏤塵碾造玉簪一頂方二寸導長
一尺二寸簪頂刻鏤塵雲龍

袞用青羅夾製五綵間金繪畫正面日一月一昇龍四
山十二上下襟華蟲火各六對虎雉各六對背面星一
昇龍四三十二華蟲火各十二對虎雉各六對中單一
白羅單製羅領襍襪裳一帶襍襪紅羅八幅夾製繡藻

三十一粉十六米十六黼三十三黻三十二蔽膝一帶
縹襪竝紅羅夾製繡昇龍二綬一幅大綬以赤黃黑白
綠縹六綵織紅羅托裏小綬三色同大綬銷金黃羅紋
頭上間施三玉環皆刻雲龍大綬五百首小綬半之緋
白大帶一銷金黃羅帶頭鈿窠二十四紅羅勒帛一青
羅抹帶一玉佩二白玉上中下璜各一半月各二皆刻
雲龍玉滴子各二皆以真珠穿製金篋鈎獸面水葉環
釘涼帶一紅羅裏鏤金上有玉鵝七鈹尾束各一金攀

龍口以玳瑁板襯釘脚舄重底紅羅面白綾托裏如意
頭銷金黃羅緣口玉鼻仁飾以珠襪用緋羅加綿凡大
祭祀加尊號受冊寶則服袞冕行幸齋戒出宮或御正
殿則通天冠絳紗袍

鎮圭大圭皇統九年十月二十四日禮部下太常書鎮
圭式樣大禮使據三禮圖以進用之大定十一年太常
寺接禮大圭長三尺抒上終葵首天子服之自西魏隋
唐以來大圭長一尺二寸與鎮圭同蓋鎮圭以鎮天下

四鎮山為飾今其圭已依古制惟無大圭今御府有故
宋白玉圭圓無上綢及終葵首自西魏以來所制玉笏
皆長尺有二寸方而不折雖非先王之法蓋後世玉難
得隨宜故也擬合以御府所藏行禮就用

視朝之服初太宗即位始服赭黃自後視百官朝御袍
帶章宗即位以世宗之喪有司請御純吉不從乃服淡
黃袍烏犀帶常朝則服小帽紅襴偏帶或束帶

皇后冠服花珠冠用盛子一青羅表青絹襯金紅羅托

裏用九龍四鳳前面大龍銜穗毬一朵前後有花珠各
十有二及鸛鵲孔雀雲鶴王母隊仙人浮動插瓣等後
有納言上有金蟬鐸金兩博鬚以上竝用鋪翠滴粉縷
金裝珍珠結製下有金圈口上用七寶鈿窠後有金鈿
窠二穿紅羅鋪金款幔帶一

褱衣深青羅織成翬翟之形素質十二等領標襪竝紅
羅織成雲龍中單以素青紗製領織成黼形十二標袖
襪織成雲龍竝織紅綬造裳八副深青羅織成翟文六

等標襖織成紅羅雲龍明金帶腰蔽膝深青羅織成翟
文三等領緣緞色羅織成雲龍明金帶大綬一長五尺
闊一尺黃赤白黑縹綠六彩織成小綬三色同大綬間
七寶鈿窠施三玉環上碾雲龍拏金線織成大小綬頭
紅羅花襯大帶青羅朱裏紕其外上以朱錦下以綠錦
紐約用青組拏金線織成帶頭玉佩二朶每朶上中下
璜各一半月墜子各二竝玉碾縷金打釵獸面篋鈎佩
子各一水葉子真珠穿綴青衣革帶用縷金青羅裏造

上用金打釵水地龍鵝眼錠尾龍口攀束子共八事以玳瑁襯金釘脚抹帶二紅羅青羅各一竝明金造各長一丈五寸爲以青羅製白綾裏如意頭明金黃羅準上用玉鼻仁真珠裝綴繫帶襪青羅表裏綴繫帶

犀冠減撥花樣縷金裝造上有玉簪一下有玳瑁盤一皇太子冠服冕用白珠九旒紅絲組爲纓青纊珣耳犀簪導袞青衣朱裳五章在衣山龍華蟲火宗彝四章在裳藻粉米黼黻白紗中單青標襪裾玉帶塗金銀鈎釵

一切更新將相舊人自謂國家全盛之際馬數則有之
至於軍士精銳器仗堅整較之今日不侔者中興之
期為有望矣一日布列曹門內教場忠孝軍七千馬軍
五千京師所屯建威都尉軍萬人內族玖珠所統軍衛
軍三千及阿巴所統四千皆哀宗控制樞密院時所選
教場地約三十頃尚不能容餘都尉十四四軍猶不在
是數此外招集義軍名曰忠義要皆燕趙亡命雖獲近
用終不可制異時擅殺北使唐慶以速金亡者即此曹

宗室及外戚并一品命婦衣服聽用明金期親雖別籍
女子出嫁並同又五品以上官母妻許披霞帔唯首飾
霞帔領袖腰帶許用明金籠金間金之類其衣服止用
明銀象金及金條壓繡正班局分承應帶官人雖未出
職係班其祖母及母妻子孫之婦同籍兄弟之妻及在
室女孫姊妹並同又禁私家用純黃帳幕陳設若曾經
宣賜鸞輿服御日月雲肩龍文黃服五箇鞦韆之鞍皆
須更改

臣下朝服凡導駕及行大禮文武百官皆服之正一品

貂蟬籠巾七梁額花冠貂鼠立筆銀立筆犀簪導佩劔
緋羅大袖緋羅裙緋羅蔽膝各一緋白羅大帶天下樂
暈錦玉環綬一白羅方心曲領白紗中單銀褐勒帛各
一玉珠佩二金塗銀革帶烏皮履白綾靴正二品七梁
冠銀立筆犀簪導不佩劔緋羅大袖雜花暈錦玉環綬
餘竝同正四品五梁冠銀立筆犀簪白獅錦銀環綬珠
佩銀革帶御史中丞則獬豸冠青荷蓮綬餘竝同正五

品四梁冠簇四金鵬錦銅環綬銀珠佩餘竝同正六品
至七品三梁冠黃獅錦銅環綬珠佩銅束帶餘竝同大
定二十二年祫享攝官尊駕二品官七梁三品四品官
六梁服有金花五品冠五梁六品冠四梁七品冠三梁
監察御史獬豸冠青綬八品九品冠二梁餘製竝同

品三

舊無

祭服皇統七年太常寺言太廟成後奉安神主祫享行
禮凡行事執事助祭陪位官准古典當服袞冕九章畫

降龍隨品各有等差通典云虞夏殷竝十二章日月星

辰山龍華蟲作繒於衣宗彛藻火粉米黼黻絺繡於裳

周升三辰於旂登龍於山登火於宗彛作九章之服山

龍華蟲火宗彛繒於衣藻粉米黼黻繡於裳公之服白

袞冕而下如王之服侯伯之服白鷩冕而下如公之服

又後魏帝服袞冕與祭者皆朝服又開元禮一品服九

章又五禮新儀正一品服九旒冕犀簪青衣畫降龍今

汴京舊禮直官言自宣和二年已後一品祭服七旒冕

大袖無龍唐雖服九章服當時司禮少常伯孫茂道言
諸臣之章雖殊然飾龍名衮尊卑相亂請三公服鷩冕
八章為宜臣等竊謂歷代衣服之制不同若從後魏則
止服朝服或用宋服則為七章若遵唐九章則有飾龍
名衮尊卑相亂之議尚書省乃奏用後魏故事止用燕
京大冊禮時所服朝服以祭大定三年八月詔遵皇統
制攝官則朝服散官則公服以皇太子為亞獻服衮冕
十四年用唐制若祭遇雨雪則服常服謂今之公服也

泰和元年八月禮官言祭服所以接神朝服所以事君

雖歷代損益不同然未嘗不有分別是以袞冕十二旒
玄衣纁裳備十二章天子之祭服也通天冠絳紗袍紅
羅裳天子之視朝服也臣下之服則用青衣朱裳以祭
朱衣朱裳以朝國朝惟天子備袞冕通天冠二等之服
今羣臣但有朝服而祭服尚闕每有祀事但以朝服從
事實於典禮未當請依漢唐故事祭服冕旒畫章然君
冕服雖章數各殊而俱飾龍名袞而唐孫茂道已有尊

卑相亂之論然三公法服有龍恐涉於僭國初禮官亦嘗駁議乞參酌古今改置祭服其冠則如朝冠而但去其貂蟬豎筆其服用青衣朱裳白襪朱履非攝事者則用朝服庶幾少有差別上曰朝祭之服固宜分也

公服大定官制文資五品以上官服紫三師三公親王宰相一品官服大獨科花羅徑不過五寸執政官服小獨科花羅徑不過三寸二品三品散搭花羅謂無枝葉者徑不過寸半四品五品服小雜花羅謂花頭碎小者

徑不過一寸六品七品服緋芝蔴羅八品九品服綠無紋羅應武官皆服紫凡散官職事皆從一高上得兼下下不得僭上窄紫亦同服色各依官制品格其諸局分承應人並服無紋素羅十五年制曰袍不加襴非古也遂命文資官公服皆加襴帶制皇太子玉帶佩玉雙魚袋親王玉帶佩玉魚一品玉帶佩金魚二品笏頭球文金帶佩金魚三品四品荔枝或御仙花金帶並佩金魚五品服紫者紅鞵烏犀帶佩金魚服緋者紅鞵烏犀帶

佩銀魚服綠者並皂鞢烏犀帶武官一品二品佩帶同
三品四品金帶五品六品七品紅鞢烏犀帶皆不佩魚
八品以下並皂鞢烏犀帶司天太醫內侍教坊服皆同
文武官惟不佩魚應殿庭承應五品以下官非入內不
許金帶又展紫入殿庭者並許服紅鞢不佩魚又二品
以上官許兼服通犀帶三品官若治事及見賓客許兼
服花犀帶大定二年制百官趨朝赴省並須裹帶五品
以上官趨朝則朝服赴省則展皂雨雪沾衣則從便凡

朝參主賓主符展紫御仙花或太平花金束帶近侍給
使供御筆硯直長符實吏紫襖子塗金束帶輪直則近
侍給使並常服常服則展紫閣門六尚遇朝參侍立則
服本品服若宮中當直則服窄紫金帶學士院官修起
居注補闕拾遺秘書丞秘書郎朝參侍立則服本品服
色帶當直則窄紫金帶東宮左右衛率僕正副僕正典
儀贊儀內直郎丞當直亦許服之太子太師出入宮中
則展紫至東宮則展皂三少則展紫

輿服下 衣服通制

君子之服以稱德也故德之備者其文備古者王公及士庶人莫不各有一定之制而不敢相逾者蓋風俗之奢儉法令之齊一必於是而觀焉詩曰彼都人士狐裘黃黃其容不改出言有章其三章曰彼都人士充耳功實被君子女謂之尹吉此言都邑之盛人物之懿也明昌間章宗謂宰臣曰今風俗侈靡莫若律以制度使貴賤有等其令禮部具典故以聞他日又謂叅知政事張

萬公曰山東風俗如何萬公對以奢左丞守貞因言衣服之制上曰如卿所言正恐失人心耳守貞曰止是商賈有不悅者萬公曰乞寬與之期三年之內當如制矣於是上以禮部所擬太繁以尚書省所擬而行之嗟乎人君以風俗為言其亦知所務矣

金人之常服四帶巾盤領衣烏皮靴其束帶曰吐鵲中之制以皂羅若紗為之上結方頂折垂于後頂之下除兩用各綴方羅徑二寸許方羅之下各附帶長六七寸

當橫額之上或為一縮襪積貴顯者於方頂循十字縫飾以珠其中必貫以大者謂之頂珠帶旁各絡珠結綬長半帶垂之海陵賜大興國者是也其衣色多白三品以皂窄袖盤領縫腋下為襪積而不缺袴其胸臆肩袖或飾以金綉其從春水之服則多鶻補鵝雜花卉之飾其從秋山之服則以熊鹿山林為文其長中斲取便於騎也吐鶻玉為上金次之犀象骨角又次之鈐周鞋小者間置於前大者施於後左右有雙鉈尾納方束中其

刻琢多如春水秋山之飾左佩牌右佩刀刀貴鑲柄尚

鷄舌木黃黑相半有黑雙距者為上或三事五事寶飾

以醬辦樺鏤口飾以鮫或屑金鍮和漆塗鮫隙而礪平

之醬辦樺者謂樺皮斑文色殷紫如醬中豆辦也產其

國故尚之初女直人不得改為漢姓及學南人裝束違

者杖八十編為永制婦人服檐裙多以黑紫上編繡全

枝花周身六襍積上衣謂之團衫用黑紫或皂及紺直

領左衽掖縫兩傍復為雙襍積前拂地後曳地尺餘帶

色用紅黃前雙垂至下齊年老者以皂紉籠髻如巾狀散綴玉鈿於上謂之王逍遙此皆遼服也金亦襲之許嫁之女則服綽子製如婦人服以紅或銀褐明金為之對襟彩領前齊拂地後曳五寸餘

明昌六年制文武官六貫石以上承應人并及廕者許用牙領紫圓板皂條羅帶皂靴上得兼下係籍儒生止服白衫領繫背帶並以紫圓條羅帶乾皂靴餘人用純黑油皂蠟等婦人各從便泰和四年以親王品官既分

頌緣而復有皂靴之禁似涉太煩遂聽親王用銀褐頌
紫緣品官皆紫頌白緣餘從明昌制

書袋之制大定十六年世宗以吏員與士民之服無別
潛入民間受賕鬻獄有司不能檢察遂定懸書袋之制
省樞密院令譯史用紫紵絲為之臺六部宗正統軍司
檢察司以黑斜皮為之寺監隨朝諸局并州縣並黃皮
為之各長七寸濶二寸厚半寸並於束帶上懸帶公退
則懸於便服違者所司糾之

大定十三年太常寺擬士人及僧尼道女冠有師號并
良間官八品以上許服花紗綾羅絲紬在官承應有出
身入帶八品以下官未帶官亦同許服花紗綾羅紵絲
絲紬家屬同婦人許用珠為首飾其都孔目與八品間
官同京府州縣司吏皆與庶人同庶人止許服純紬絹
布毛褐花紗無紋素羅絲綿其頭巾繫腰領帕許用芝
蔴羅條用絨織成者不得以金玉犀象諸寶瑪瑙玻璃
之類為器皿及裝飾刀把鞘并銀裝釘牀榻之類婦人

首飾不許用珠翠鈿子等物翠毛除許裝飾花環冠子
餘外竝禁兵卒許服無紋壓羅絁絹布毛褐奴婢止
許服絁絹布毛褐倡優遇迎接公筵承應許暫服繪
畫之服其私服與庶人同

金史卷四十三

欽定四庫全書薈要卷六千二百八十六

金史卷四十四

元中書右丞相總裁托克托等修

志第二十五

兵

兵制 禁軍之制
養兵之法

金興用兵如神戰勝攻取無敵當世曾未十年遂定大業原其成功之速俗本驚勁人多沉雄兄弟子姪才皆良將部落保伍技皆銳兵加之地狹產薄無事苦耕可

給衣食有事苦戰可致俘獲勞其筋骨以能寒暑徵發
調遣事同一家是故將勇而心一兵精而力齊一旦奮
起變弱為彊以寡制衆用是道也及其得志中國自顧
其宗族國人尚少乃割土地崇位號以假漢人使為之
効力而守之明安穆昆雜厠漢地聽與契丹漢人昏因
以相固結迨夫國勢寢盛則歸土地削位號罷遼東渤海
漢人之襲明安穆昆者漸以兵柄歸其內族然樞府
發軍募軍兼宋漢制伐宋之役參用漢軍及諸部族而

統以國人其不知制勝長策在於以志一之將用力齊之兵也第以土宇既廣豈得盡任其所親哉馴致極盛乃自患其宗族國人之多積其猜疑卒自戕賊遂致彊木刊落醇風鏃薄將帥攜離兵士驕惰迄其亡也忠孝等軍搆難于內亂軍雜人召禍於外向之所謂志一而力齊者不見可恃之勢焉豈非自壞其家法而致是歟抑是道也可用於新造之邦不可以保長久之天下歟金以兵得國奉詔作金史故於金之兵志考其興亡得失

之跡特著於斯兵制馬政養兵等法載諸舊史者臚列于篇

金之初年諸部之民無它徭役壯者皆兵平居則聽以佃漁射獵習為勞事有警則下令部內及遣使詣諸貝勒徵兵凡步騎之杖襖皆取備焉其部長曰貝勒行兵則稱曰明安穆昆從其多寡以為號明安者千夫長也穆昆者百夫長也穆昆之副曰富埒琿士卒之副從曰伊勒希部卒之數初無定制至太祖即位之二年既以

二千五百破耶律色實始命以三百戶為穆昆穆昆十
為明安繼而諸部來降率用明安穆昆之名以授其首
領而部伍其人珠赫之戰兵始滿萬而遼莫敵矣及拉
林鴨水鐵驪拜格之民皆附東京既平山西繼定內收
遼漢之降卒外籍部族之健士嘗用遼人額哩頁以北
部百三十戶為一穆昆漢人王六兒以諸州漢人六十
五戶為一穆昆王伯龍及高從祐等並領所部為一明
安至天會二年平州既平宗望恐風俗揉雜民情弗便

乃罷是制諸部降人但置長吏以下從漢官之號五年
伐宋之役調燕山雲中中京上京東京遼東平州遼西
長春八路民兵隸諸萬戶其間萬戶亦有專統漢軍者
熙宗皇統五年又罷遼東漢人渤海明安穆昆承襲之
制浸移兵柄於其國人乃分明安穆昆為上中下三等
宗室為上餘次之至海陵庶人天德二年省併中京東
京臨潢咸平泰州等路節鎮及明安穆昆削上中下之
名但稱為明安穆昆循舊制間年一徵發以補老疾

死亡之數貞元遷都遂徙上京路太祖遼王宗幹秦王
宗幹之明安併為哈濟明安及諫議沃哩哩布明安太
師勗宗正宗敏之族處之中都沃稜和尚乎喇三國公
太保昂詹事烏哩雅輔國博勒和定遠勒勒庫梁國公
伯特八明安處之山東呵嚕之族處之北京諳達族屬
處之河間二年命兵部尚書蕭仲恭等與舊軍皆公隸
諸總管府節度使授田牛使之耕食以蕃衛京國六年
南伐立三道都統制府及左右領軍大都督將三十二

軍以神武神威神捷神銳神毅神翼神勇神果神畧神
鋒武勝武定武威武安武捷武平武成武毅武銳武楊
武翼武震威定威信威勝威捷威烈威毅威震威畧威
果威勇為名軍置都總管副總管及巡察使副各一員
而沿邊契丹恐妻孥被鄰寇鈔掠不可盡行遂皆背叛
而大名續授申之士還迎立世宗于東京及大定之初
幹罕既平乃散契丹隸諸明安穆昆至三年詔河北山
東路路所簽軍有父兄俱亡充甲軍子弟又為伊勒希

恐其家更無丁男有誤農種與免一丁以驅丁充伊勒
希無驅丁者於本明安穆昆內驗富強有驅丁者簽充
十二年從東北等戍邊漢軍於內地十五年十月遣吏
部郎中富察烏琿等十人分行天下再定明安穆昆戶
每穆昆戶不過三百七穆昆至十穆昆置一明安十七
年又以西南西北詔討司契丹餘黨心素狼戾復恐生
事它時或有邊隙不為我用令遷之於烏庫哩實壘部
及上京之地上謂宰臣曰北邊番戍之人歲冒寒暑往

來千里其為勞苦縱有一二馬牛一往則無還理且奪其農時不得耕種故嘗命卿等議以何術得罷其役使安于田里不知卿議何如也左丞相良弼對曰北邊之地不堪耕種不能長戍故須番戍耳上曰朕一日萬幾安能徧及卿等既為宰相以此急務反以為末事竟無一言甚勞朕慮往者叅政宗欽屢為朕言若以貧戶永屯邊境使之耕種官給糧廩則貧者得濟富戶免於更代之勞使之得勤農務若宗欽者可謂盡心為國矣朕

嘗思之宜以兩路招討司及烏庫哩實壘部族臨潢府
泰州等路分定保戌具數以聞朕親覽焉十八年命部
族糾分番守邊二十年以祖宗平定天下以來所建立
明安穆昆因循既久其間有戶口繁簡地里遠近不同
又自正隆之後所授無度及大定間亦有功多未酬者
遂更定以詔天下復命新授者並令就封其穆昆人內
有六品以下識及諸局承應人皆為遷之三從以上族
人願從行者明安不得過十戶穆昆不得過六戶詔戌

邊軍士年五十五以上許以其子及同居弟姪承替以
奴代者罪之二十一年三月詔遣大興尹完顏托果斯
遷河北東路兩明安上曰朕始令移此欲令與女直戶
相錯安置久則自相姻親不生異意此長久之利也今
者伊瑪河明安相錯以居甚符朕意而約羅河明安不
如此可再遣兵部尚書張納延按視其地以雜居之二
十二年以山東屯田戶鄰於邊鄙命聚之一處俾協力
蠶種右丞相烏庫哩元忠曰彼方之人以所得之地為

家雖兄弟不同處故貧者衆叅政鈕祜祿額特埒曰舊時兄弟雖析猶相聚種今則不然宜令約束之又以明安穆昆舊籍不明遇簽軍與諸差役及賑濟增減不以實命括其口以實籍之二十三年遣刑部尚書伊喇慥赫河明安下扎哈穆昆額勒敏鄂勒勸明安下錫布穆昆佛門山下扎哈穆昆額勒敏鄂勒勸明安下錫布穆昆佛門山穆昆九材人戶徙於瑠僧安和二穆昆之舊地其未徙者之地皆薄惡且鄰官壤遣使詢願徙者相

可居之地圖以進上嘗以率賓呼爾哈人驍勇可用海陵嘗欲徙之而未能二十四年以上京刷和倫之地廣而腴遂詔遣刑部尚書烏哩雅出府庫錢以濟行資牛畜遷率賓一明安呼爾哈二明安二十四穆昆以實之蓋欲上京兵多冗日可為緩急之備也當是時多易置河北山東所屯之舊括民地而為之業戶頒牛而使之耕畜甲兵而為之備乃大重其權授諸王以明安之號或新置者特賜之名制其奢靡禁其飲酒習其騎射儲

其糧糈其備至儼也是時宗室戶百七十明安二百二

穆昆千八百七十八戶六十一萬五千六百二十四東

北路部族紮軍曰德埒勒部

承安三年改特哩
衮孔薩克節度使

曰唐古

部

承安三年間改博勒
和孔薩克節度使

二部五紮戶五千五百八十五

其宅若珠嚕部族烏爾古部族實壘部族蒙古部族奇

嚕部族布塔布部族數皆稱是西北西南二路紮軍曰

蘓穆坦紮曰伊埒圖紮曰古勒敦紮唐古紮哈瑪爾紮

穆騰紮蒙古紮茂紮呼敦紮凡九其諸路曰海蘭曰扶

餘曰博索曰率賓曰呼爾哈曰伊蘭伊蘭後廢皆在上
京之鄙或置總管府或置節度使至章宗明昌間欲國
人兼如文武令明安穆昆舉進士試以策論及射以定
其科甲高下承安四年上謂宰臣曰人有以八陣圖來
上者其圖果何如朕嘗觀宋白所集武經具載攻守之
法亦多難行右丞相清臣曰兵書一定之法難以應變
本朝行兵惟用正奇二軍臨敵制變以正為奇以奇為
正故無往不克上曰自古用兵亦不出奇正二法耳且

學古兵法如學奕棋未能自得於心欲用舊陳勢以按敵疎矣敵所應與舊勢異則必不可支然武經所述雖難遵行然知之猶愈不知泰和間又制武舉其制具在選舉志所謂渤海軍則渤海八明安之兵也所謂奚軍者奚人約尼扎古雅九明安之兵也奚軍初徙于山西後分遷河東其漢軍中都永固軍大定所置者也所謂鎮防軍則諸軍中取以更代戍邊者也在西北邊者有分番屯戍軍及永屯軍驅軍之別驅軍則國初所免遼

人之奴俾使屯宗于秦州者也邊鋪軍則河南陝西居

守邊畧者河東三虞候順德軍及章宗所置諸路効節

軍京府節鎮設二十人防刺設二十人掌同弓手者也諸路所募射糧軍

五年一籍三十以下十七以上強壯者皆刺其關所以

兼充雜役者也京師防城軍世宗大定十七年三月改

為武衛軍則掌京師巡捕者也其曰牢城軍則嘗為盜

竊者以充防築之役曰土兵則以司警捕之事凡漢軍

有事則簽取民民事已則或亦放免初天會間孰藥師

降有曰長勝軍者皆遼水側人也以鄉土歸金皆愁怨
思歸宋望乃令罷還正隆間又嘗罷諸路漢軍而所存
者猶有威勇威烈威捷順德及韓常之軍之號凡邊境
置兵之州三十八鳳翔延安鄧鞏熙泗潁蔡隴秦河海
壽唐商兆蘭會積石鎮戎保安綏德保德環葭澳寧邊
東勝淨慶來遠桓昌海蘭博索扶餘率賓呼爾哈置於
要州者十一南京東京益都京兆太原臨兆臨潢豐泰
撫益及宣宗南遷虜軍潰去兵勢益弱遂盡擁明安戶

之老稚渡河僑置諸總管府以統之器械既缺糧糒不給腴民膏血而不足乃行括糧之法一人從征舉家待哺又謂無以堅戰士之心乃令其家盡入京師不數年至無以為食乃聽其出而國亦屈矣然初南渡時盡以河朔戰兵三十萬分隸河南行樞密及帥府往往蔽匿強壯驅羸弱使戰不能取勝後乃至以二十五人為穆昆四穆昆為明安每穆昆除旗鼓司火頭五十任戰者止十八人不足成隊伍但務存其名而已故混源劉祁

謂金之兵制最弊每有征伐及邊警輒下令簽軍使遠
近騷動民家丁男若皆強壯或盡取無遺號泣動乎鄰
里嗟怨盈於道路驅此使戰欲其勝敵難矣初貞祐時
下令簽軍會一時任子為監當者春赴吏部選宰執命
取為監軍皆憤愠哀號交懟臺省至衝宰相鹵簿以懟
告丞相布薩齊錦大怒趨左右取弓矢射去已而上知
其不可用命免之元光末備潼關黃河入簽軍諸使者
歷縣邑自見居官外無文武小大職事官皆充軍至許

州前侍御史劉元規年幾六十亦選為千戶至陳州以
祁父從益以前監察御史亦為千戶餘不可悉紀既立
部伍必以軍律相臨物議紛然後亦罷之哀宗正大二
年議選諸路精兵直隸密院先設總領六員分路揀閱
因相合併每領司率數萬人軍勢既張乃易易總領之
名為都尉班在隨朝四品之列曰建威曰虎威曰破虜
振威鷹揚虎賁振武折衝盪寇殄寇必以先嘗秉帥權者
居是職雖帥府行院不敢以貴重臨之天興初元有十

五都尉先六人陞授在京建威鄂屯幹里雅布許州折

衝爪爾佳澤

本姓樊

陳州振武幹色辛

本姓李

蔡州盪寇富

察達希布申裕安平完顏邑埒默嵩汝振武唐古哈克
繖續封金昌府虎威赫舍哩奇爾宣權歸德果毅完顏
珠爾南京殄寇完顏阿巴宣權潼關都尉三虎賁完顏
辰爾鷹揚內族大羅索全節復取河朔諸路歸正人不
問馬有無譯語能否悉送密院增月給三倍宅軍授以官
馬得千餘人歲時犒燕名忠孝軍以舒穆魯延善努富

察鼎珠統之加以正大已後諸路所虜臨陳所獲皆於
歸鄉土同忠孝軍給其犒賞使河朔俘係知之故此軍
迄于天興至七千千戶以上將帥尚不預焉又以歸正
人過多乃係於忠孝籍中別為一軍減忠孝所給之半
不能射者令閱習一再月然後試補忠孝軍是所謂和
稱和軍也又以親衛馬軍舊時所選未精必加閱試直
取武藝如忠孝軍者得五千人餘罷歸為劣軍凡進征
忠孝居前軍軍次之自正大改立馬軍隊伍鞍勒兵甲

一切更新將相舊人自謂國家全盛之際馬數則有之
至於軍士精銳器仗堅整較之今日不侔者中興之
期為有望矣一日布列曹門內教場忠孝軍七千馬軍
五千京師所屯建威都尉軍萬人內族玖珠所統軍衛
軍三千及阿巴所統四千皆哀宗控制樞密院時所選
教場地約三十頃尚不能容餘都尉十四四軍猶不在
是數此外招集義軍名曰忠義要皆燕趙亡命雖獲近
用終不可制異時擅殺北使唐慶以速金亡者即此曹

也

禁軍之制本於合扎謀克合扎者言親軍也以近親所
領故以名焉貞元遷都更以太祖遼王宗幹秦王宗翰
軍為哈濟明安謂之侍衛親故立侍衛親軍軍司以統
之舊常選諸軍之材武者為護駕軍海陵又名上京龍
翔軍為神勇軍正隆二年將南伐乃罷歸使命僉調後
於侍衛軍軍四明安

舊止曰太祖遼王秦王明安凡三
今日四明安未詳豈太祖明安安

耶
內選三十以下千六百人騎兵曰龍翔步兵曰虎步

以備宿衛五年罷親軍司以所掌付大興府置左右驍騎所謂後駕軍也置都副指揮使隸點檢司步軍都副指揮使隸宣徽院大定初親軍置四千人二十二年省為三千五百上京亦設守衛軍是年尚書省奏上京既設皇城提舉官亦當設軍守衛上曰可設四百五十馬一百二十分三番更代異時朕至上京即作兩番巡警限以半年交替人曰給錢五十米一升半馬給芻粟明安穆昆官可差年四十上下者軍士並取三十以上者

充章宗承安四年增為五千又增至六千又提威捷軍
承安增簽弩手千人凡選弩手之制先以營造尺度杖
其長六尺立之謂之等杖取身與杖等能踏弩至三石
鋪弦解索登踏間習射六箭皆上垛內二箭中貼者又
選親軍取身長五尺五寸善騎射者明安穆昆以名上
兵部移點檢司宣徽院試補之又設獲衛二百人近侍
之執兵杖者也取五品至七品官子孫及宗室并親軍
諸局分承應人身長五尺六寸者選試補之又設控鶴

二百人皆以備出入者也。大將府治之稱號。叔國元年十二月始置咸州軍帥司。以經畧遼地。討高永昌。置南路都統司。且以討張覺。天輔五年襲遼主。始有內外諸軍都統之名。時以奚未平。又置奚路都統司。後改為六部路都統司。以約尼九營為九明安。隸焉。與上京及泰州凡六處置。每司統五六萬人。又以渤海軍為八明安。凡明安之上置軍帥。軍帥之上置萬戶。萬戶之上置都統。然時亦稱軍帥為明安。而明安則稱親管明安者。燕

山既下循遼制立樞密院于廣寧府以總漢軍太宗天會天年以襲遼主所立西南都統府為西南西北兩路都統府三年以伐宋更為元帥府置元帥及左右副及左右監軍左右都監金制都元帥必以安班貝勒為之恒居守而不出六年詔還二帥以鎮方面諸路各設兵馬都統總管府州鎮置節度使沿邊諸州置防禦使凡州府所募射糧軍牢城軍每五百人為一指揮使司設使分為四都都設左右什將及承局押官具軍數若有

餘或不足則與近者合置不可合者以三百人或二百人亦設指揮使若百人則止設軍使百人以上立為都
不及百人止設什將及承局管押官各一員十年改南
京路都統司為東南路都統司治東京以鎮高麗後又
置都統司于大名府及海陵天德二年八月改都京兵
馬都部署司為本路都總管府九月罷大名都軍司而
置統軍司于山西河南陝西三路以元帥府都統監軍
為使分統天下之兵又改烏古德德呼勒路統軍司為招討

司博索路統軍司為總管府三年以元帥府為樞密院
罷萬戶之官詔曰太祖開創因時制宜材堪統衆授之
萬戶其次千戶又穆昆當時官賞未定城郭未下設此
職許以世襲乃權宜之制非經久之利今孫子相繼專
威權其戶不下數萬與留守總管無異世權過之
可罷是官若舊無千戶之職者續思增置國初時賜以
國姓若為子孫者皆令復舊正隆末復陞陝西統軍
司為都統府大定五年復罷府降為統軍司尋又設兩

招討司與前凡三以鎮邊陲東北路者初置烏爾古德
呼勒部後置于泰州泰和間以去邊尚三百里宗浩乃
命分司于金山西北路者置於應州西南路者置於桓
州以重臣知兵者為使列城濠戍守為永制樞密院每
行兵則更為元帥府罷則復為院宣宗貞祐三年徵代
州戍兵五千從胥鼎言留代以屏平陽興定二年選募
河南陝西弩手軍二千人為一軍賜號威勇及南遷河
北封九公因其兵假以便宜從事沿河諸城置行樞密

院元帥府大者有便宜之號小者有從宜之名元光間時招義軍以三十人為穆昆五穆昆為一千戶四千戶為一萬戶四萬戶為一副統兩副統為一都統此復國初之名也然又外設一總領提控故時皆稱元帥為總領云金初因遼諸茂而分置羣牧茂之為言無蚊蚋美水草之地也天德間置廸河鄂爾多阿爾本富僧額永安沃濟五羣牧所皆仍遼舊名各設官以治之又於諸色人內選家富丁多及品官家子明安穆昆佛寧軍與

司吏家餘丁及奴使之司牧謂之羣子分牧馬駝牛羊

為之立蕃息衰耗之刑賞後稍增其數為九契丹之亂

遂亡其五四所之所存者為千餘牛二百八十餘羊八

百六十駝九十而已世宗置所七曰特們圖們在撫州阿

都齊布沙堪布沙堪本阿都齊地大定七年分其地置之永安三年改為班第音烏埒濟庫額

勒本永安三年改烏遜烏埒濟庫烏埒濟庫者言滋息也和囉噶伊囉幹在武平縣臨潢

泰州之境大定二十年三月更定羣牧官詳袞扎迪扎布羣

牧人滋息損耗賞罰格二十一年勅諸所馬三歲者付

女直人牧之牛或以借民耕或又令民畜羊或以振貧戶時遣使閱實其數缺則杖其官而令牧人償之匿其實者監察舉覺之二十八年蕃息之久馬至四十七萬牛十三萬羊八十七萬駝四千明昌五年散驟馬令中都西京河北東西路驗民物力分畜之又令它路民養馬者死則於前四路所養者給換若欲用則悉以送官此金之馬政也然每有大役必括於民及取羣官之餘騎以供戰士馬宣宗興定元年定民間牧漬軍亡馬之

法及以馬送官酬直之格上等馬一匹銀五十兩中下遞減十兩不願酬直者上等二匹補一官雜班任使中等三匹下等四匹如之令下十日陳首限外匿及殺並絞又遣官括市民馬立賞格以示勸五百匹以上鈔千貫十匹以一官二千匹以上兩官

養兵之法熙宗天眷三年正月詔歲給遼東戍卒紬絹有差正隆四年命河南陝西統軍司并虞候司順德軍官兵並增廩給六年將南征以絹萬匹于京城易衣襖

穿膝一萬以給軍世宗大定三年南征軍士每歲可支
一千萬貫官府止有二百萬貫外可取於官民戶此軍
須錢之所由起也時言事者以山東河南陝西等路循
宋齊舊例州縣司吏弓手於民間驗物力均敷顧錢名
曰免役請以是錢贍軍至是省具數以聞詔罷弓手錢
其司吏錢仍舊四年六月奏元帥府乞降軍須錢上曰
帥府支費無度例皆科取於民甚非朕意仰會計軍須
支用不盡之數及諸路轉運司見在如實缺用則別具

以聞十年四月命順德州建營屋以處屯軍十七年七月歲以羊皮三萬賜西北路戍兵承安三年以軍須所費甚大乞驗天下物力均徵擬依黃河夫錢例徵軍須錢驗各路新籍物力每貫徵錢四貫西京北京遼東路每貫徵錢二貫臨潢全州則免徵周年三限送納恐期遠遂定制作半年三限輸納凡河南陝西山東放老千戶穆昆佛寧正軍伊勒希等給賞之例舊軍千戶十年以上賞銀五十兩絹三十匹不及十年比附十年以上

穆昆支穆昆十年以上銀四十兩絹二十五匹不及十年銀三十兩絹二十匹佛寧十年以上銀三十兩絹二十匹不及十年銀二十兩絹一十五匹馬步正軍伊勒希等勾當不拘年分放老正軍銀一十五兩絹一十四匹伊勒希旗鼓吹笛本司火頭人等同銀八兩絹五匹三虞候千戶十年以上銀四十兩絹二十五匹不及十年銀三十兩絹二十匹穆昆二十年以上銀五十兩絹三十匹十年以上銀三十兩絹二十匹不及十年銀一十

兩絹一十五匹佛寧十年以上銀二十兩絹一十五匹
不及十年銀上十五兩絹一十匹正軍伊勒希勾當不
拘年分放老正軍銀一十兩絹七匹伊勒希旗鼓吹笛
本司火頭人等同銀五兩絹四匹北邊萬戶千戶穆昆
等歷過軍功及年老放罷給賞之例

遷官同從吏部格

正千戶

管押萬戶勾當過一十五年遷兩官與從五品不及一
十五年年老放罷遷一官與正六品若十年以下遷一
官賞銀絹六十兩匹正穆昆管押萬戶勾當一十五年

遷兩官與正六品不及一十五年年老放罷遷一官與
正七品若十年以下遷一官賞銀絹五十兩匹正千戶
管押千戶勾當過二十年遷一官與正六品不及二十
年年老放罷遷一官與正七品若十年以下遷一官賞
銀絹四十兩匹正穆昆管押千戶以下依河南陝西體
例凡鎮防軍每年試射射若有出衆上等賞銀四兩特
異衆者賞十兩銀馬孟簽充武衛軍挈家赴京者人日
給六口糧馬四匹芻藁諸招軍月給例物邊鋪軍錢五

十貫絹十匹軍匠上中等錢五十貫絹五匹下等錢四十貫絹四匹黃河埽兵錢三十貫絹五匹射糧軍及溝渠等處埽兵水手錢二十貫絹二匹土兵錢十貫絹一匹凡射糧軍指揮使及黃沁埽兵指揮使錢粟七貫石絹六匹軍使錢粟六貫石絹同上什將錢二貫粟三石春衣錢五貫秋衣錢十貫承局押官錢一貫五百文粟二石春衣錢五貫秋衣錢七貫牢城井土兵錢八百文粟二石春衣錢四貫秋衣錢六貫邊鋪軍請給與射糧

軍同河南陝西山東路統軍司鎮防甲軍馬軍明安錢

八貫米五石二斗絹八匹六馬芻粟穆昆錢六貫米二

石八斗絹六匹五馬芻粟佛寧錢四貫米石七斗絹五

匹四馬芻粟正軍錢二貫米石五斗絹四匹綿十五兩

兩馬芻粟伊勒希錢一貫五百文米七斗絹三匹綿十

兩步軍明安馬二匹穆昆馬一匹芻粟每馬給芻一束

粟五升歲仲春野有青草馬可牧養則止惟每明安當

差馬七十二匹四時皆給又定制河南山東河東歲給

五月陝西六月鎮防軍補買馬錢河南路正軍五百文
伊勒希隨色人三百文陝西山東路正軍三百文伊勒
希隨色人二百文諸屯田被差及緣邊駐扎捉殺軍明
安月給錢六貫米一石八斗五馬芻粟穆昆錢四貫米
一石二斗三馬芻粟佛寧錢二貫米六斗二馬芻粟正
軍錢一貫五百文米四斗一馬芻粟伊勒希隨色人錢
一貫米四斗一馬芻粟德順軍指揮使錢六貫米二石
八斗絹六匹三馬芻粟便使什將錢四貫米一石七斗

絹五匹給兩馬料長行錢二貫米一石五斗絹四匹綿
十五兩給一馬料奚軍穆昆錢一貫五百文米一石五
斗紬絹春秋各一匹給三馬料佛寧錢一貫米二石七
斗紬絹同上給二馬料長行錢一貫米一石八斗紬絹
同上飼一馬北邊臨潢等處水屯駐軍千戶錢八貫米
五石二斗絹八匹飼馬六匹步軍飼兩馬地五頃穆昆
錢六貫米二石八斗絹六匹飼五馬地四頃佛寧錢四
貫米一石七斗絹五匹飼四馬地三頃正軍錢二貫米

一石四斗五升絹四匹飼兩馬地二頃綿十五兩伊勒
希錢一貫五百文米七斗絹三匹綿十兩地一頃旗鼓
司人與伊勒希同交替軍錢二貫米四斗伊勒希錢一
貫五百文米四斗上番漢軍千戶月給錢三貫糧四石
二馬正軍錢二貫米九斗五升絹四匹上京路永屯駐
軍所除授千戶月給錢粟十五貫石絹十匹綿二十兩
飼三馬穆昆錢六貫米二石八斗絹六匹飼二馬正軍
月支錢二貫五百文米一石二斗絹四匹錦十五兩飼

一馬伊勒希隨色人錢二貫米一石二斗絹四匹綿十五兩諸北邊永駐軍月給補買馬錢四百文隨色人三百文貞祐三年軍前委差及掌軍官規圖糧料冒占職役皆無實員又見職及遙授者已有俸給又與無職事同同支券糧故時議欲省員減所給之數俟征行則全給之及興定二年彰化軍節度使張行信言一軍充役舉家廩給益欲感悅士心使為國盡力耳至於無軍之家復無丁男而其妻女猶受給何謂耶五年京南行三司

官舒穆魯幹魯言京南東西三路見屯軍戶老幼四十萬口歲費糧百四十餘萬石皆坐食民租甚非善計語在田制諸屯田軍人如差防送日給錢一百五十文看管孝寧宮人月各給米五斗柴一車春秋衣麤布一匹秋絹二匹綿一十五兩諸黃院子年滿者以元請錢糧三分內給一貫石養老



金史卷四十四



總校官舉人臣章維桓
校對官學錄臣常循
膳錄監生臣張彭齡